

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA INESTICIJE I POSLOVE  
MJESNIH ZAJEDNICA

Broj: 03-04-4099/20  
Lukavac, 14.01.2021. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 03-04-4099/20 od 13.01.2021. godine u otvorenom postupku javne nabavke radova za modernizaciju i proširenje javne rasvjete na području općine Lukavac, Pomoćnik općinskog načelnika za Službu za investicije i poslove mjesnih zajednica

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 03-04-4099/20 od 13.01.2021. godine i Ugovor za nabavku radova za modernizaciju i proširenje javne rasvjete na području općine Lukavac, dodjeljuje grupi ponuđača „ERING d.o.o. Živinice, Elvik d.o.o Srebrenik i „Kopkomerc d.o.o. Živinice“, koji su dostavili ponudu broj: 411/20 od 16.12.2020. godine, za ponuđenu cijenu u vrijednosti od 89.594,00 KM i rokom plaćanja od 60 (šezdeset) dana kao najpovoljnijem ponuđaču.

#### **Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 03-02-4098/20 od 07.08.2020.godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 99.000,00 KM.

Obavještenje o nabavci broj: 719-1-3-43-3-74/20 objavljeno je na Portalu javnih nabavki dana 07.08.2020. godine, Ispravka za obavještenje o nabavci broj: 719-1-3-43-8-112/20 objavljena je na Portalu javnih nabavki dana 26.10.2020.godine, a Ispravka za obavještenje o nabavci broj: 719-1-3-43-8-121/20 objavljena je na Portalu javnih nabavki dana 10.12.2020.godine.

Komisija za provođenje postupka nabavke imenovana Rješenjem o imenovanju Komisije za provođenje postupka javne nabavke broj: 02-45-4179/20 od 13.08.2020. godine, Rješenjem o izmjeni Rješenja o imenovanju Komisije broj: 02-04-4179/20-1 od 29.10.2020.godine i Rješenjem o izmjeni Rješenja o imenovanju Komisije broj: 02-04-4179/20-2 od 06.11.2020.godine, dostavila je Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-4099/20 od 12.01.2021. godine, Preporuku o izboru najpovoljnijeg ponuđača broj: 03-04-4099/20 od 13.01.2020. godine i Izvještaj o radu broj: 03-04-4099/20 od 13.01.2021. godine.

U postupku po Izvještaju o radu Komisije utvrđeno je da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri ponude;
- da nije bilo neblagovremeno primljenih ponuda;

- da su ponude ponuđača: „Elektrocentar Petek“ doo Tuzla i grupe ponuđača „ERING d.o.o. Živinice, Elvik d.o.o Srebrenik i „Kopkomerc d.o.o. Živinice“ kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.
- Komisija za provođenje postupka javne nabavke je analizom ponude konzorcijuma ponuđača „NEXEN d.o.o Banja Luka i DESKINŽENJERING d.o.o Banja Luka“ utvrdila da isti u sastavu ponude nisu dostavili dokaz da imaju na raspolaganju ili osiguran pristup tehničkoj opremi potrebnoj za realizaciju ugovora – kamion za prevoz stubova – 1 kom, a što je traženo tačkom 13.3.1.b.1. Tenderske dokumentacije. Konzorcij ponuđača je u sastavu ponude dostavio Ugovor o iznajmljivanju samohodne mašine za bušenje i postavljanje betonskih stubova, ovjerenu kopiju saobraćajne dozvole za radnu mašinu – rovokopač, te Ugovor o iznajmljivanju traktora marke Zetor 5211 sa ovjerenom kopijom saobraćajne dozvole za navedeni traktor. Iz dostavljene dokumentacije utvrđeno je da je traktor bez prikolice, obzirom da nije dostavljen dokaz da traktor posjeduje prikolicu, te da isti predstavlja samo radnu mašinu, to se ne može prihvatiti kao validan dokaz ispunjavanja uslova iz tenderske dokumentacije.
- Imajući u vidu navedeno, a primjenom tačke 13.3.4. Tenderske dokumentacije i člana 68. stav 4. tačka i.) Zakona o javnim nabavkama BiH, Komisija je ponudu konzorcija ponuđača „NEXEN“ doo Banja Luka i „DESKINŽENJERING“ doo Banja Luka odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 99.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena ..... 98 %
- b) Rok plaćanja..... 2 %

Grupa ponuđača „ERING d.o.o. Živinice, Elvik d.o.o Srebrenik i „Kopkomerc d.o.o. Živinice“ dostavili su prihvatljivu ponudu sa cijenom u iznosu od 89.594,00 KM i rokom plaćanja od 60 (šezdeset) dana od dana prijema računa i osvojio 100,00 bodova, te je u odnosu na kriterij za dodjelu ugovora rangiran na prvo mjesto.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. „Ering“ d.o.o Živinice – lider konzorcija  
„Ering d.o.o. Živinice, Elvik d.o.o Srebrenik i Kopkomerc d.o.o. Živinice
2. „Elektrocentar Petek“ doo Tuzla
3. „Nexen“ d.o.o Banja Luka – lider konzorcija  
„Nexen d.o.o Banja Luka i Deskinženjering d.o.o Banja Luka
4. Arhivi

PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA  
(ovlaštenje broj: 02-30-6245/20 od 21.12.2020.)

Emir Begić, dipl.ecc.

